



文
源
三
名
實
録
地

僧4
775
167



四書
卷
775
167



日本文德天皇實錄卷第四起仁壽二年正月盡

右大臣正二位臣藤原朝臣基經等奉勅選

二年春二月戊辰朔帝御大極殿受歲賀還御

南殿賜宴侍臣皆如旧儀○庚午帝朝中宮於

冷然院群臣扈從者賜宴於東釣臺五位已上盡

會特有恩詔未得本任於還者亦預席賜祿有差

○甲戌帝幸豐樂院以覽青馬助陽氣也賜宴群

臣如常○戊午加肥後國阿蘇比咩神從四位下

○巳卯諸衛府獻卯扶逐精魅也○壬午外從五

位下山宿祢池作為河内介大奏公宿祢是雄為



掃津介從五位上藤原朝臣關主爲伊賀守外從
五位下山田連春城爲駿河介從五位下橘朝臣
岑範爲武藏介藤原朝臣菅雄爲近江介正五位
下久賀朝臣三夏爲信濃守從五位下紀朝臣胤
弟爲介右兵衛佐如故從四位上源朝臣寬爲越
中守刑部卿如故從五位下山代宿祢氏益爲介
丹墀真人繩主爲丹波介從五位上弘宗王爲丹
後守從四位下春澄宿祢善繩爲祖馬守從五位
下御仲真人近人爲因幡權守飯高朝臣永雄爲
播磨權介從五位上藤原朝臣仲統爲備前介左

近衛少將如故從四位下茂世王爲讚岐權介從
五位下橘朝臣常蔭爲介從五位上小野朝臣于
株爲伊豫介右近衛少將如故從五位下橘朝臣
時枝爲土佐守從五位上藤原朝臣春綱爲大宰
少貳從五位下當麻真人鴨繼爲筑前介侍醫如
故從四位下雄風王爲左馬頭○癸未賜宴侍臣
踏歌如旧儀○甲申 常幸豐樂院以觀射禮也
○乙酉亦 幸豐樂院觀諸衛府賭射公家以白
布賜勝者其多籌者得布亦多先王舊式也○巳
丑 帝觴于近臣命樂賦詩其預席者不過數人

此復弘仁遺義所謂內宴者也○甲午授正六位上丹墀真人繩足從五位下從七位上飯高朝臣枉世死位春原朝臣內子並授從五位下○丙申授正六位上藤原朝臣良繩從五位下內宴餘樂有此恩幣○二月庚子地震○乙巳參議正四位下兼行宮內卿相模守滋野朝臣負主卒負主者右京人也曾祖父大學頭兼博士正五位下猶原東人該通九經号爲名儒天平勝宝元年爲駿河守于時土出黃金東人採而獻之帝美其功曰勤哉臣也遂取勤臣之義賜姓伊蘇志臣父尾張守

從五位上家譯延曆年中賜姓滋野宿祢負主身長六尺二寸稚有度量涯岸甚高大同二年奉文章生試及第五年爲少內記六年轉爲大內記十一年授外從五位下兼爲因幡介十二年授從五位下遷爲圖書頭因幡介如故十四年仁明天皇初在儲之日遷東宮學士因幡介如故天長八年勅與諸儒撰集古今文書以類相從凡有一千卷名秘府畧九年兼爲下總守太子登祚之初拜內藏頭下總守如故數月遷爲宮內大輔兼和元年授從四位下兼爲相模守二年遷爲兵部大輔

六年兼爲大和守，七年遷爲大藏卿，大和守如故。八年罷大和守，兼讚岐守。九年遷式部大輔，讚岐守如故。其秋拜叅議。十一年春，捨城南宅爲伽藍，名慈恩寺，負主坐禪之餘，歷遊其間。時人慕之，其夏上表讓式部大輔，不許焉。十二年，陳便宜十四事，事多不載，議亦不行。嘉祥二年春，兼尾張守。于時大宰府史多不食，衰幣日甚。負主上表曰：夫大宰府者，西極之大，壤中國之領袖也。東以長門爲關，西以新羅爲拒，加以九國二嶋，群縣闊遠，自古于今，以爲重鎮。夫謀事必就，租稅政占古語，因檢

曰：記大唐高麗新羅百濟任那等悉託此境，乃得入朝。或緣貢獻之事，或懷飯化之心，可謂諸藩之輻湊。中外之開門者也。因茲有德，爲師戴戈，良爲監典。若無其人，選取辨官式部，頃年以來，絕而不行。近得飛語云：彼吏或擊目閉口，似避時人之或忌，耻貪賤爲聚斂之吏。府司國宰莫不悲傷。若如此，不變恐嚙臍不及。臣聞此語，心神罔措。雖此之飛語，有何信也。而臣子之理，何不預憂。又聞少貳從五位下小野朝臣恒柯筑前守從五位下紀朝臣今守有意，執論無力，矯枉未審，虛實唯得耳。剝

臣不勝血誠伏觸逆鱗言詞切直默止不省其秋
為宮內卿三年夏授正四位下兼為相模守仁壽
二年春毒瘡發唇吻詔賜醫藥中使相望於路道
俗來問者日屬街巷慎咽遺戒子孫云殯斂之事
必從儉薄徂歿之後子孫齊供而已卒于慈恩寺
西書院時年六十八時人知與不知莫不流涕愍
惜負主天性慈仁語恐傷人推進士輩隨器汲引
長女繩子心至和順進退中規 仁明天皇殊加
恩幸生本康親王時子內親王柔子內親王少女
與子頗有風儀聞訓克脩為 天皇所幸生惟茂

街巷

沒

親主濃子內親王勝子內親王時人以爲外孫皇
子一家繁昌乃祖慈仁之所及也○丁未從四位
下丹波權守伴宿禰成益卒成益右京人也父從
五位上宇治人成益少在大學長 習文章應進
士舉遂得登科弘仁十四年爲左京少進天長元
年秋爲式部少丞七年春左轉爲右京少進九年
冬叙從五位下承和三年夏爲大藏少輔冬遷右
少辨十一年夏爲左中辨十二年春叙從四位下
依法隆寺僧善愷訖詔事辨宮內共解却後出爲
丹波權守境內肅然國人稱其廉潔成益爲人質

直在公奉法不阿權貴卒時年六十四○壬子從四位下房世王爲中務大輔從五位下紀朝臣松永爲少輔從五位上並山王爲内匠頭從五位下善友朝臣豐宗爲散位頭從五位上善岑朝臣長松爲宮内大輔正五位下石川朝臣長津爲木工頭從五位下山田宿祢古嗣爲左京亮外從五位下家原宿祢氏主爲勘解由次官筆博士如故從五位上坂上大宿祢正野爲相模守外從五位下高持忌寸清負爲安房守從五位下藤原朝臣宗吉爲左兵衛權佐藤原朝臣良世爲右兵衛權佐正

五位上藤原朝臣良仁爲右馬頭中宮亮如故○丙辰播磨國言紫雲見散位從四位上和氣朝臣仲世卒仲世者民部卿正三位清万呂第六子也天性至孝年十九爲文章生大同元年爲大學大允奉公忠謹每至寢卧首向宮闕弘仁六年遷式部大丞十年授從五位下天長元年爲北陸道巡察使四年爲近江介所得俸祿施給貧民累遷承和四年彈正大弼初臺無南門仲世奏移中院西門以爲臺門亦私以位祿買近江國高嶋郡田五町以充厨家之費七年遷爲勘解由長官十一年

出爲播磨守清靜而化民不敢擾數年病卒時年
六十九國人惜之○丁巳特授備中國吉備津命
神四品列於官社是夕彗星出于西方長可五丈
○戊午左衛門權佐從五位下藤原朝臣宗善爲
檢非違使大宰少貳從五位下橘朝臣高宗獻白
鼠一頭○己未詔加甲斐國目一負○壬戌越前
守正五位下藤原朝臣高房卒高房者參議從四
位上藤原第三子也身長六尺旅力過人甚有意
氣不拘細忌弘仁十三年爲右京少進累遷天長
三年爲式部大丞四年春授從五位下拜義濃介

威惠兼施カチホトコス屬託不行矣擿野伏境無盜賊安八郡
有陂渠隄防決壞不得蓄水高房欲脩隄防土人
傳曰陂渠有神不欲過水逆之者死故前代國司
廢而不脩高房曰苟利於民死而不恨遂駐民築
隄溉灌流通民至今稱之亦席田郡有妖巫其灵
轉行暗噉心一種滋蔓民被毒害古來長吏皆懷
恐怖不敢入其部高房單騎入部追捕其類一時
酷罰由是無復噉心之毒後歷備後肥後越前等
守所在有清疽發背卒時年五十八○甲子右兵
衛佐兼信濃介從五位下紀朝臣胤弟卒胤弟從

四位下木津與之弟十一子參議從二位百繼之弟也弘仁十一年爲內膳典膳兼和三年正月爲左衛門少尉七年轉爲大尉十二年正月叙從五位下十三年五月爲右兵衛佐嘉祥三年四月兼爲因幡權介仁壽二年正月遷爲信濃介卒時年五十八寂弟武藝之士膂力過人登高涉深輕捷少偶追捕京畿盜賊斫穴漸以絕盡○乙丑從四位下藤原朝臣貞守爲左中辨從五位上橘朝臣海雄爲右中辨從五位下藤原朝臣冬緒爲右少辨春宮坊亮遠江權守如故文室朝臣笠科爲中

務少輔藤原朝臣有負爲縫殿頭清原真人秋雄爲信濃介左兵衛佐如故從四位下清原真人岑成爲越前守茂世王爲丹波守從五位下紀朝臣松永爲丹後守紀朝臣有常爲祖馬介左馬助如故從五位上弘宗王爲讚岐權守從五位下安倍朝臣貞行爲右衛門權佐○三月丁卯朔日有蝕之○庚午右衛門權佐從五位下安倍朝臣貞行爲檢非違使○壬申左右近衛官人已下見在陣者賜祿有差賑給京師尤貧者○癸酉近江國得魚形似獼猴異而獻之故老皆云此株魚也昔時

見有此物○甲戌授近江國筑摩神從五位下遣
使者賑給播磨國飢民○丁丑詔諸大寺起四月
一日迄八月卅日衆僧食時同集食堂各讀大般若
若經一卷以救水旱之災永爲歲事○戊寅地震
○辛巳遣使者賑給河內若狹因幡三國飢民○
壬午請高僧及沙彌練行者各卅二人於東宮轉
大般若經限三日訖○夏四月丁酉朔 帝不御
南殿侍從以上進伏下飲賜祿有差○甲辰遣使
者向五畿七道諸國奉名神幣○庚戌修仁王會
起自宮城及干諸國設百座一日二時誦演經王

壬子授死位蕃良朝臣名門子從五位下○甲刀
地震○乙卯賀茂齊內親王禊於河濱是日始入
紫野齋院○庚申加大和國御歲神從二位○辛
酉修賀茂祭如常儀○五月丁卯朔辛未 天皇
不御武德殿依停騎射走馬之觀也○甲戌加山
城國松尾神正二位○丙子除伊勢齋西宮諸司
○戊子主計頭從五位下都宿祢負繼卒負繼大
和介外從五位下桑原公秋成子也弘仁十三年
與兄正五位下文章博士腹赤共上請改姓都宿
祢天長元年四月任中務少錄五月遷爲式部少

椽十年正月爲因幡椽兼和五年二月爲式部大
椽九年正月遷爲倫前椽十二年二月爲主計助
十三年正月叙外從五位下十四年二月轉爲頭
嘉祥三年四月叙從五位下負繼累歷吏部祥和
曰儀後到此職者必相訪習行之患惡瘡平時年
六十二○癸巳大和國言紫雲見是日并露降於
京師樹上及大和越前加賀但馬因幡伯耆隱岐
播磨長門等九國並言并露降○六日戊戌地震
○戊申使者賑給土左國飢民○己酉外從五位
下家原連氏主爲主計頭從五位下菅原朝臣善

主爲勘解由次官○乙卯相模權守從四位下攝
朝臣真直卒真直右大臣從二位氏公第三子也
兼和初爲內舍人遷爲左馬大允七年正月叙從
五位下八年爲肥後介九年正月遷爲筑後介入
爲中務少輔右兵衛佐嘉祥二年正月叙從五位
上轉爲右近衛少將三年正月叙正五位下爲阿
波守仁壽元年正月出爲相模權守十一月叙從
四位下卒時年卅七真直性善唱歌仁明天皇
殊所憐愛也秋七月乙亥遣使者向賀茂松尾稻
荷貴布祢等名神奉幣祈雨即日得甘澍○戊刀

免遠江國城飼郡貢賦○甲申賜肥前豐後之兩國貧民丁方六千餘口後○庚刀大和國若宇加乃賣命神天御柱命神國御柱命神等並加從四位下○辛卯以大和國都郡木神列於官社○壬辰遣散位從五位上安宗王從五位下利見王向廣瀨竜田神社奉幣馬爲祈年也是日六位已上借用官物薨卒死去者盡從恩免○癸巳暴風雨復禾稼○八月乙未朔遣少納言從五位上鎌藏王向伊勢太神宮奉幣請止風雨○辛未陸奧國伊豆佐味神登奈考志神志賀理和氣神並加正

五位下衣多宗神石神理計段神配志和神儻草神並授從五位下從五位下御長真人近人爲越前守○癸丑遣使者向越前國氣比神宮奉幣○丙辰安房國安房神大比理刀咩命神並特加從三位從四位下清原真人岑成爲彈正大弼從五位下縣連氏益爲勘解由次官攝朝臣永範爲下野介○己未淡路國上言有午產犢一身兩頭○辛酉四品吉備津彥命神奉充封北戶○癸亥地震○閏八月甲子朔日有蝕之○戊辰授遠江國息神從五位下○乙亥大風發屋拔木○丙子以

遠江國息神列於宮社○巳卯以廩院米賑給京
師被風灾者○辛巳授勲五等吉弥侯部皆外從
五位下○乙酉地震○丙戌從五位下藤原朝臣
三藤爲諸陵頭○丁亥大赦於建禮門前伊勢齊
内親王將參太神宮故有此赦○戊子伊勢齊内
親王禊於鴨川○庚寅大雨○壬辰遣左近衛少
將從五位上藤原朝臣仲統右近衛少將從五位
上在原朝臣行幸等向賀茂松尾大神等社奉幣
請以止雨○癸巳大赦於朱雀門前伊勢齊内親
王將參太神宮故重有此赦○九月庚子伊勢齊

内親王參太神宮 帝御大極殿以遣之自餘如
常儀中納言正三位安倍朝臣安仁右中辨從五
位上橘朝臣海雄等爲長送使○辛丑地震○壬
子重陽節也 帝不御南殿勅公卿喚侍從文人
等宴賞賜祿如常○冬十月癸亥朔 帝不御南
殿勅公卿飲宴侍從賜祿如常○甲子加大和國
御歲神正二位若宇加乃賣命神天御柱命神國
御柱命神並加從三位從五位下藤原朝臣緒數
爲越前介藤原朝臣世數爲越後守○丁卯地震
遣中臣忌部兩氏人向五畿七道諸神社奉幣賽

宿禱也○庚辰地震有声如雷○巳丑請五十僧於東宮轉讀大般若經限三日訖○十一月巳亥地震勅解由次官從五位下菅原朝臣善主卒善主者從三位清公第三子也少而聰惠美容儀有口弁年廿三奉文章生試及第承和之初拜彈正少忠三年為聘唐使判官兼為播磨權大掾彈正少忠如故復命之日叙從五位下七年拜兵部少輔明年出為伊勢介十四年為越前介復拜勅解由次官病卒時年五十外從五位下家原連氏主為竿博士主計頭如故從五位下大枝朝臣音人

為民部少輔東宮學士如故紀朝臣東人為典藥頭豐任朝臣冰負為木工權助伴宿祢竜男為彈正少弼安倍朝臣安正為勅解由次官從五位上高原王為伊豆守○辛丑特加大和國金峯神從三位學川坐大神御子神狹野神學川阿波神並授從五位下○甲辰遣使者向丹波國麻氣神社奉幣○乙卯帝親奉新常祭自如常儀○丙辰辛豐樂院賜寡群臣亦如旧儀○十二月癸亥以美濃國伊富岐神列於官社○庚午丹後權守從五位上豐階公安人賜姓真人大外記從五位

位下名草宿祢安成賜姓滋野朝臣外從五位下
大學助教西沃人宗人賜姓滋善宿祢○乙亥
加大和國大神主神從二位○丙子加駿河國三
嶋大神從四位下阿波咩命神物忌寸奈命神伊
古奈比咩命並加正五位下阿米都和氣命神伊
太豆和氣命神阿豆佐和氣命神波布比咩命並
加從五位上○庚辰加左大弁正四位下小野朝
臣篁從三位○辛巳天台沙門素然卒沙門者
嵯峨太上天皇之子也賜姓源朝臣名明性甚朗
悟 天皇好文書欲教諸子皆有才學知明奇器

勅勸對策天長九年正月叙從四位上為大學
頭兼和五年正月兼為加賀守六年正月遷除近
江守九年正月轉為播磨守大學頭如故七月遷
太上天皇崩服解八月復任倣而遷為左京大夫
九月更兼為播磨守十三年正月加正四位下為
刑部卿十四年正月兼為越中守嘉祥元年正月
遷為阿波守二年二月為參議從初兼勅勉勸弥
切諸子百家略以閱覽晁駕之後哀慕感恨云誰
為為之不遂其業皈心佛道離遠俗塵遂為沙門
終于山中時人高其節操皆以感慕○癸未參議

左大辨從三位小野朝臣篁薨篁參議正四位下
岑守長子也岑守弘仁之初爲陸奧守篁隨父容
遊使放柩鞍後飯京師不事學業 嵯峨天皇聞
之難曰旣爲其人之子何還爲弓馬之士乎篁由
是慚悔乃始志學十三年春奉文章生試及第天
長元年拜巡察彈正二年爲彈正少忠五年遷爲
大內記七年爲式部少丞九年授從五位下拜大
宰少貳有詔不許之官其夏哀父哀歿過禮十年
爲東宮學士俄拜彈正少弼承和元年爲聘唐副
使明年奉授從五位上兼備前權守數月拜刑部

部大輔三年授正五位下五年春聘唐使等四船
次第泛海而大使參儀從四位上藤原常嗣所駕
第一船水沃穿缺有詔以副使第二船改爲大使
第一船篁抗論曰朝議不定再三其事亦初定船
次第之日擇取竅者爲第一船分配之後再經漂
迴今一朝改易配當危器以已福利代他容損論
之人情是爲逆施旣無面目何以率下篁家貧親
老身亦尪瘵是篁汲水採薪當致匹夫之孝耳執
論確乎不復駕船近者太宰鴻晔館有唐人沉道
古者聞篁有才思數以詩賦唱之每視其和常美

艷藻六年春正月遂以捍詔除爲庶人配流隱岐
國在路賦謫行吟七十韻文章奇麗興味優遠知
文之輩莫不吟誦凡當時文章天下無双草隸之
工古二三之倫後生習之者皆爲師模七年夏四
月有詔特徵八年秋閏九月叙本位十月任刑部
大輔九年夏六月爲陸奧大守秋八月入拜東宮
學士其月兼式部少輔十二年春正月授從四位
下于時法隆寺僧善愷告以納言登美朝臣直名
爲寺檀越枉法狀訴之大政官加訊鞠漸將讞斷
而世論噉々爲善愷成私曲由此朝廷更論此事

延至分爭名例律私曲相須之二義或以爲一或
以爲二并官上下還羅其綱遂令明法博士讚岐
朝臣永直考之考曰私曲兩犯混處一科是相須
之義也嘗今之更只有一犯不足結罪事未斷畢
十三年五月爲權右中弁新開其事即執律文以
爲私與曲明是二也若私若曲有一於此未免其
罪而連涉日月不肯決斷仍上請議定私曲律義
之表並所執狀以糾法之不熟律義明弁官之可
處私罪篁初恨此論之不平作傷時詩卅韻寄參
議滋野朝臣貞生後重令諸儒傍儀其文曰被右

大臣宣備奉勅批參議小野篁朝臣上表及所執
律文義定可考申謹依宣旨覆案律文公罪謂緣
公事致罪而無私曲者疏云私曲相須公事與奪
情無私曲雖達法式是爲公坐云云私罪條疏云
私罪謂不緣公事私自犯者雖緣公事意涉阿曲
亦同私罪者由此案之私者不緣公事自犯之名
曲者雖緣公事意涉阿曲之謂也相須則私與曲
二事相待之理然則無私無曲可爲公罪一私一
曲不免私罪而永直等說云私曲者謂私之曲相
須者合私曲兩字爲一義以連讀之意云云者文

義相錯公私不分此說之迂難可批信篁朝臣所
執誠爲允愜九月遷左中辨十四年春正月爲參
議四月兼彈正大弼十五年春正月兼信濃守夏
四月又兼勘解由長官仁壽二年春正月輔右大
弁餘皆如故明年春正月加從四位上夏五月以
以病辭官飯家三年四月加正四位下仁壽元年
春正月遙授近江守明年春病瘳後爲左大弁後
又病發不朝 天皇深爲矜憐數遣使者趣視病
根賚賜錢穀冬十月就家叙從三位及因篤命諸
子曰氣純則歿莫令人知薨時年五十一篁身長

六尺二寸家素清モトヨリ貧事ヤウ母至孝公俸所嘗皆施親友○丁亥 勅五畿内七道諸國請練僧讀金剛般若以資疫神

日本文德天皇實錄卷第四

右第四之卷者自

天保九戌戌年正月十六日起筆至同念八日

畢之

中村萬喜直衛

日本文德天皇實錄卷第五起仁壽三年正月盡

右大臣正二位臣藤原朝臣基經等奉 勅撰

三年春正月壬辰朔 帝御大極殿以受歲賀還

御南殿賜宴侍臣皆如常儀○戊戌 幸豐樂院

觀書馬賜宴群臣亦如旧儀授從四位上伴宿祢

善男正四位下從四位下道野王藤原朝臣氏宗

等並從四位上死位常世王從四位下從五位上

豐前王正五位下從五位下善永王益善王等並

從五位上正六位上正岑王仲井王真負王等並

從五位下從四位下藤原朝臣輔嗣諸成等並從

四位上從五位上田口朝臣房富笠朝臣年嗣丹
墀真人門成藤原朝臣貞本在原朝臣行平藤原
朝臣仲統等並正五位下從五位下藤原朝臣本
雄百濟王永善清原真人秋雄廣宗宿祢系繼文
室朝臣笠科藤原朝臣良方山田宿祢古嗣橋朝
臣永範南淵朝臣年名紀朝臣今守坂上大宿祢
貞守源朝臣愷等並從五位上外從五位下朝妻
造清主清内宿祢園繼正六位上源朝臣平橋朝
臣安永平朝臣實雄藤原朝臣弟男藤原朝臣岑
主諸萬和氣朝臣春生藤原朝臣秋緒紀朝臣貞

嗣橋朝臣寂雄紀朝臣野鷹嘗麻真人清雄伴宿
祢安道大春日朝臣高庭佐伯宿祢子房高橋朝
臣安野等並從五位下正六位上有宗宿祢益門
山口忌寸西成御輔朝臣永道物部祢範菅原朝
臣梶成安野造子香爐等並外從五位下○巳亥
正四位下藤原朝臣古子明子等並授從三位從
五位上嘗麻真人真伊止子從四位下死位安倍
朝臣德子大枝朝臣氏子等並從五位下從七位
下秦忌寸嶋子外從五位下○辛丑授死位橋朝
臣房子從四位下○癸卯諸衛府獻祝杖内侍傳

旨○甲辰地震○丁未賜宴侍臣踏哥如常三品
忠良親王爲上總太守參議從四位上藤原朝臣
氏宗爲左大辨從四位下藤原朝臣貞守爲左大
辨參議正四位下藤原朝臣助爲近江守左兵衛
督如故從五位下紀朝臣貞守爲少納言從五位
上攝朝臣海雄爲左中辨文室朝臣助雄爲右中
辨藤原朝臣冬緒爲左少弁春宮亮遠江守如故
小野朝臣恒柯爲右少弁攝朝臣門雄爲大監物
正五位下菅原朝臣是善爲大學頭文章博士加
賀權守如故從五位下佐伯宿祢真持爲山城介

從五位上鎌藏王爲大和權守外從五位下清村
宿祢是嶺爲介從五位下藤原朝臣秀雄爲河內
守安倍朝臣氏主爲參河守大原真人真室爲介
從四位下時宗王爲相模守從五位下藤原朝臣
安雄爲介外從五位下朝宗宿祢吉繼爲下總介
從五位下藤原朝臣正世爲常陸介佐伯宿祢雄
勝爲近江權介從五位上紀朝臣今守爲美濃守
正五位下久賀朝臣三夏爲信濃守從五位上坂
上大宿祢正野爲越後權守從四位上正躬王爲
丹波守治部卿如故外從五位下春道宿祢永藏

為因幡介從四位上源朝臣多為美作守宮内卿
如故從五位下吉備朝臣全繼為介正五位下在
原朝臣行平為備中權介右近衛少將如故從五
位下百濟王安宗為安藝介三統宿祢真淨為周
防守真貞王為長門守伴宿祢須賀雄為土佐權
守滋野朝臣善蔭為大宰少貳紀朝臣在常為右
兵衛佐但馬介如故和氣朝臣臣範為左馬助○
戊申停大射禮但勅公卿令諸衛府於豐樂殿前
射○巳酉亦賭射○癸丑内宴如常○二月癸亥
加筑前國宗像神正五位下○乙丑 帝覽藏鈞

戲左右相分飛鳥遊附者不禁○甲戌治部少輔
兼齊院長官從五位下藤原朝臣閑雄卒閑雄者
刑部卿從三位真夏第五子也天長二年春奉文
章生試及第閑雄少習屬文性好閑退常在東山
舊居耽愛林泉時人呼為東山進士兼和元年秋
淳和太上天皇嘉其為人特詔徵之閑雄辭而不
獲遂忘 詔命 天皇賜以優禮從事左右明年
拜勘解由判官劇務繁併既非其好數月遷少判
事關雄尤好鼓琴 天皇賜其秘譜由是雅調稍
妙閑雄亦能草書南池雲林兩院壁皆令閑雄書

之也六年授從五位下累遷嘉祥四年治部少輔
仁壽二年兼齊院長官以病辭退遂不被免卒時
年四十九○庚辰 帝自東宮移幸梨下院此院
先代別館也在左近衛府西制曰利國通規公謙
爲本安民茂躅損挹厥初朕薰暎未施化跡仍踈
恐黎氓之不親望列辟以慙德而今所生男女皆
嘗享封爵之重疏湯沐之用恩其煩費內以悃悞
竊見乃祖聖皇貽厥之謀除親王之另賜朝臣之
姓變代相沿已爲成式誠宜陶聖風而長扇共源
氏而混流但前另親王不在此限同母後產亦後

一例慶雲之惠旣無愛憎若樹之華更有濃淡蓋
以城中大室在屈已以利人天下至公欲損上以
益下普告中外咸俾聞知○庚寅晦 帝幸冷然
院觀景物也賜侍臣祿有差即日亦幸右大臣藤
原朝臣良房弟以覽櫻花置酒興樂六位已上會
者祿各有差是月京師及畿外多患飧瘡死者甚
衆天平九年及弘仁五年有此瘡患今年復不免
此瘡而已○三月甲午加從三位源朝臣潔姬正
三位授正六位下難波連漫麻呂外從五位下緣
去月遊賞右大臣弟而恩及家人也○丁酉授大

外記外從五位下滋野朝臣安成從五位下授正
六位上完人朝臣繼成外從五位下○戊申地震
○壬子請名僧百口於大極殿轉讀大般若經限
三日訖攘灾疫也大和守正五位下丹墀真人門
成卒門成者從五位下內藏助兼右衛士佐豐長
之子也性甚對直大司之初拜巡彈正弘仁之初
爲少判事九年爲大和少掾十一年轉爲大掾天
長三年授從五位下五年爲丹波介土民庶民不
順教化曰号難治門成施以猛政答罰爲先廳吏
之前箠楚如積數年部內大理民至今稱之九年

後

爲治部少輔十年爲備前介兼和九年叙從五位
上十年爲刑部大輔十二年爲宮內大輔後遷爲
武藏守所部曠遠盜賊充斥門成下車未幾風俗
肅清奸猾斂手嘉祥三年爲大和守豪宗石姓縱
放不制門成施政自如無所迴避境內夷曩民皆
戴之今年叙正五位下病卒於宮門成雖無才學
長於從政所到之處必樹風聲○丁巳以教倉院
勅攝給京師患炮瘡者○戊午越中權守從五位
上紀朝臣椿守卒椿守春宮亮從五位上白滿長
子也弘仁四年正月爲大內記十一年正月爲典

藥助十二年正月叙從五位下爲上總介十三年
正月爲安房守兼和五年正月加從五位上仁壽
元年正月爲越中權守卒時年七十八椿守工於
黔書尤得其節答教海昏時簡好手椿守前後再
昏皆盡其善朝廷美之○夏四月壬戌地震○丁
卯從五位下藤原朝臣岑主爲齋院長官○庚午
遣侍從從五位上嶋江王神祇大副兼內藏頭從
五位上中臣朝臣逸志等向伊勢太神宮請除災
疫從五位下三統宿祢真淨爲中宮大進藤原朝
臣良繩爲內藏助從五位上益善王爲大藏大輔

正五位下豐前王爲大和守○甲戌大內記從五
位下和氣朝臣貞臣卒貞臣守和仁播磨守從四
位上仲世第三子也數歲喪母哀戚過禮叔父參
議真綱深相矜愛弱冠從治部卿安倍朝臣吉人
受老莊吉人奇之後入大學研精不怠廿四舉秀
才廿八對策不得其第兼和十四年拜大學大允
嘉祥元年遷大內記仁壽元年冬十一月授從五
位下患胞瘡卒于宮時年三十七時人惜之貞臣
爲人聰敏質朴少華性甚畏雷不留意小藝唯好
圍碁至於對歛交下不覺日暮夜深○戊寅无品

成康親王薨親王者 仁明天皇第八子也母右大臣從二位藤原朝臣三守女贈從二位貞子也親王幼而岐嶷有成人之志 天皇殊奇愛之天皇崩後未經幾歲不耐疱瘡之患遂以殞逝○乙酉頗炮瘡深行人民疫死故停賀茂祭遣侍從從五位上嶋江王神祇大佑從七位上忌部宿禰高善等向社下申謝事由但山城國司齋仕如常○丙戌 詔曰皇王建極布政貴其順時聖哲凝規宣風欲其志節故能裁成庶物覆燾之德克隆光宅八挺全濟之切斯遠朕以寡德忝統鴻基盱

日勿休レ夜忘寢非貪四海之富非念九重之尊只欲道仁壽以寘群生息勞假以安百姓而誠歎未申咎徵斯忝炮瘡之疫流行札瘥之嗟競起當春夏陽和之時草木皆有以藥而吾百姓愁病之人或陷於死已朕之不德撫育乖方憂惕之誠可知攸濟月令春夏下寬大之令頒德化之政以順天帝以救災變有司務脩職任欽奉時訓罰疑從輕賞疑從重貴埋皆掩骸之仁崇養老矜孤之德其自今日昧爽以前大辟以下罪無輕重未發覺已發覺未結正繫囚見徒咸皆赦除但八

虐故殺謀殺私鑄錢施竊二盜常赦所不免者不在赦例今天下州郡勿輸羨和十年以往調庸不進優復百姓息當年徭十日其疾病者長史親自巡視給醫藥諸所極贍務令優速庶德恤之旨致感革於上玄仁愆之風蠲凶札於中壤○戊子倫中守從四位上源朝臣安卒安 嵯峨太上天皇子也母粟田氏性懶文昏好習射藝羨和十二年叙從四位上嘉祥三年正月任備中守卒時年卅二○五月癸巳詔相模上總下總常陸上野陸奥等六國寫一切經六國各分部快寫得得上之甲

午停騎射走馬之觀以灾疫也○己亥從五位下藤原朝臣野主爲齋院長官○庚子詔十七寺讀大般若經限三日訖攘灾疫也○壬寅亦詔太宰府於觀音弥勒兩寺並四王院香椎廟管内國分寺讀大般若經從五位上藤原朝臣並藤正五位下授正六位上中臣志斐連春繼外從五位下復罪人和氣朝臣齊之讚岐朝臣永直等爵是日並藤卒並藤參議從三位刑部卿大宰負外師勳四等濱成之曾孫中判事正六位上臣繼之孫豐前介正六位上石雄之子也並藤善陰陽推步之學

明曉天文風星初爲丹波權掾天長二年留爲陰
陽助六年正月叙從五位下七年爲筑後守九年
二月爲陰陽頭兼和泉守七年正月還
後陰陽頭十四年正月兼爲加賀守嘉祥三年正
月叙從五位上今日加正五位下優其才學少倫
年齒衰落也時年六十二○癸卯詔武藏信濃兩
國寫一切經各一部○乙巳无品齋子内親王薨
親王 嵯峨太上天皇第十二女也母正五位下
文室真人久賀麻呂之女從五位上文子也親王
適三品大宰師葛井親王内外戚皆耻其非成礼

○庚戌大宰府上言壹岐嶋女子伴部刀自賣孿
生三男勅賜正稅三百束及乳母一人○辛亥尾
張國從五位上真清田神並无位大縣神並授從
四位下授外從五位下完人朝臣繼成從五位下
繼成有不可叙外位之愁故改授詔義濃國出穀
二千一百斛給患弛瘡者○甲寅加贈正五位下
橘朝臣逸勢從四位下○戊午參議正四位下左
兵衛督兼近江守藤原朝臣助卒助贈左大臣從
一位内麻呂第十一之子也少遊大學頗涉史傳
弘仁十三年九月爲少判事同年十一月爲兵部

少監十四年二月爲大學助天長元年二月爲出
雲介四年正月爲春宮少進五年閏二月爲式部
大丞六年正月叙從五位下卽爲遠江介八年七
月爲春宮坊亮十年二月爲右近衛少將三月加
正五位下兼使轉權中將兼和元年正月叙從四
位下四年正月兼爲尾張守六年正月加從四位
上九年七月爲左兵衛督轉爲右衛門督十年二
月拜參議十三年正月遷爲治部卿十五年正月
更爲左兵衛督嘉祥三年四月加正四位下正月
兼爲信濃守仁壽三年正月兼爲近江守庖瘡之

後緣不慎治而卒時年五十五助心性清直不憚
毀譽朝廷之士爲之跼蹐○六月辛酉侍醫外從
五位下菅原梶成卒梶成右京人也業練醫術寂
解處療承和元年從聘唐使渡海朝廷以梶成
明達醫經令其請問疑義五年春解纜着於唐
岸六年夏歸本朝路遭狂飈漂落南海風浪緊急
鼓舶舫俄而雷電霹靂桅子摧破天晝黑暗失東
西須臾寄着不知何處嶋々有賊類傷害數人梶
成殊祈願佛神償得全濟與判官良峯長松等合
力卽採集破舶朽木造一船共載余時便風引舶

著

得_レ譽此岸朝庭嘉其誠節十年爲鍼博士次爲侍
醫卒於官○癸亥一品太宰帥葛原親王薨親王
者桓武天皇之第三子 嵯峨太上天皇之兄也
母夫人多治氏延曆廿二年正月四品 月爲治
部卿大同元年五月爲大藏卿三年正月爲彈正
尹四年九月叙三品弘仁元年九月爲式部卿三
年正月兼爲太宰帥七年正月叙二品十四年十
月更爲彈正尹天長七年正月兼爲常陸大守八
月更爲式部卿八年正月叙一品兼和五年正月
兼爲上野大守十一年正月兼復爲常陸大守嘉

祥三年遷爲大宰帥親王少而患了歷覽史傳常
以古今成敗爲戒爲人恭儉不傲於物久在式部
諳職務凡在旧典莫不達練舉朝重之勅賜輦車
入宮禮儀異諸親王薨時年六十八朝庭監哀葬
儀如常王家推謝專從儉薄不敢遺遺令也○丁
卯以尾張國大國灵神大御灵神憶感神等列於
宮社○巳巳以大和國金峯神預於名神前豐後
權守從五位下登美真人直名卒直名從五位下
藤津之子也弘仁十三年二月爲主膳監正天長
二年七月爲美濃大掾三年正月遷爲近江大掾

四年正月叙從五位下七年正月爲大和介兼和
二年九月爲大判事九年正月爲散位頭十一年
二月遷爲少納言十四年正月出爲大宰少貳嘉
祥三年正月叙從五位上八月遷爲豐後權守秩
滿未得放還卒時年六十二直名頗有才學口弁
过人抑屈已者必酬以彼前病故議者疾之法隆
寺僧善愷訖訟事遂延及弁官除名此類也○庚
午 帝不御神嘉殿所司奉祭如常儀以尾張國
多天神預於名神皇子能有時有本有載有皇女
憑子謙子列子濟子與子等賜姓源朝臣餘左京

職行前日詔也○甲戌以伊勢國村上神預於名
神○秋七月庚寅朔參議從四位上藤原朝臣氏
宗爲近江守左大弁右近衛中將如故從五位下
藤原朝臣良繼爲侍從內藏助如故大枝朝臣音
人爲大內記民部少輔如故平朝臣實雄爲治部
少輔藤原朝臣岑主爲大藏少輔齊院長官如故
坂上大宿祢當宗爲掃部頭從五位下春日臣雄
繼爲越中權守大學博士如故吉倫朝臣全繼爲
美作介從四位上源朝臣冷爲讚岐守○癸巳地震○
故從四位上源朝臣冷爲讚岐守○癸巳地震○

甲午以駿河國淺間神預於名神○辛丑加尾張國多天神從五位上○壬寅特加駿河國淺間大神從三位○甲辰地震○丁未遣散位從五位下全世王神祇大副從五位下中臣朝臣免志散位從五位下齊部宿祢伴主等向伊勢太神宮奉幣攘災疫也○庚戌從五位下春枝王爲中務少輔藤原朝臣三藤爲陰陽頭從五位下伴宿祢春世爲治部少輔從五位上良岑朝臣長松爲諸陵頭從五位上藤原朝臣本雄爲刑部大輔文室朝臣笠科爲宮内大輔從五位下藤原朝臣倫雄爲掃

部頭藤原朝臣真冬爲左京亮從五位上山田宿祢古嗣爲相模權介從五位下平朝臣實雄爲信濃守和氣朝臣巨範爲陸奥權介正五位下藤原朝臣行道爲美作守○辛亥地震○丙辰賜薩摩國孝女挹前福依賣爵三級終其身旌表門閭依賣天性至孝父年耆八十老病着床無子唯一女福依賣扶持左右掌藥二十余年備力致養曉夕辛勤容顏焦瘦觀者憐之福依賣雖云野旅閑於禮儀恭敬父母有所諮稟必正色作色未曾褻惰○八月己未朔西京失火延燒百八十餘家○

丙寅從四位下藤原朝臣負守爲參議從五位下
利見王爲小納言從五位下縣犬養大宿祢氏河
爲肥後權介○戊辰賜伯耆國百姓復一年○辛
未五世王正六位上春常王六世正六位下田上
王春世王等並賜姓文室朝臣○癸酉加正二位
勲一等氣多大神封戶十烟位田二町○庚辰從
三位建御名方八坂前富命神祝預於把笏○壬
午地震散位從五位下百濟朝臣河成卒河成本
姓余後改百濟長於武猛能引強弓大同三年爲
左近衛以善圖書屢被召見所寫古人真及山水

草木等皆如自生昔在宮中令人喚從者或人
辭以未見顏容河成即取一紙圖其形體或人遂
驗得其機妙類如此今之言畫者咸取則焉弘仁
十四年拜美作權少目天長十年授外從五位下
累遷承和年中爲倫中介次爲播磨介時人榮之
卒時年七十二○九月戊子朔大風斃屋拔木○
丙申重陽夢也○帝不御南殿勅公卿召侍從文
人等賜菊酒一如常儀但以天下有災不舉音樂
是日僧正延祥大法師卒延祥俗姓槻本氏近江
國野洲郡人也數歲辭家師事僧正護命護命察

其敏惠，如意教誘，延曆七年受具足戒，其年護命於春日寺講涅槃經，延祥預聽焉。時護命問延祥曰：汝有夢乎？答曰：有之。護命曰：爲我言之。延祥曰：夢卧七重塔上，尔時三日並出，光照身上。護命曰：吉不可言，慎勿語人。天長七年春，於大極殿說寂勝王經，諸宗智者論難鋒起，延祥敏對不滯聽者，莫不欽服。仁壽元年，稍轉拜僧正，病卒。春秋八十五。夏，菟六十八。○辛丑詔，大宰府出穀三萬八千七百，百余石，賑給管内患飢瘡者。冬十月己未，地震，是日虹見於大政官殿前。○丁卯，帝御南殿，賜嘉

侍臣祿，各有差。○戊辰，但馬守從四位上春澄宿祢善繩賜姓朝臣。播津國奏言：長柄三國兩河頃年橋梁斷絕，人馬不通。請准掘江川，置二隻船，以通濟渡。許之。○癸酉，安藝國佐伯山縣沙田三郡今年備役，恤窮民也。從五位下興岑王爲中務少輔，正四位下南淵朝臣冰河爲因幡守，從五位下春枝王爲正親正，小野朝臣負樹爲甲斐守。○丙子，招提寺田地百七十八町四段三百廿三步，永爲傳法田。初，宝龜中大唐和尚鑑真買得此地，施入寺家。其後逐年墾闢，頃畝增廣，以功德故，聽不

輪祖○巳卯授加賀國白山比咩神從三位文章
博士正五位下菅原朝臣是善奏請文章生未出
身者及弟之後不經勅籍預考例許之遠江國奏
言廣瀨河旧有郵船二艘而今水闊流急不由利
涉公私行人權滯岸上請更加置二艘以濟羈旅
之難許之○壬午住僧綱策命曰 天皇我詔旨止
法師等尔白左開宣勅命乎白大僧都長訓乎僧
正尔少僧都實敏乎大僧都尔少僧都真濟乎權
大僧都尔權律師明詮律師真雅乎少僧都尔大
法師壽仙乎律師尔大法師惠運乎權律師尔任

賜事乎白左部宣勅命乎白○十月巳亥地
震○癸卯 帝不御神嘉殿所司奉祭如常儀○
甲辰幸豐樂院賜宴群臣如常儀○癸丑以遠江
國敬滿神灵預於名神○甲寅加外從五位下凡
部嶋繼從五位下○十二月甲子陰陽寮奏言使
諸國郡及國分二寺祀陰陽書法每年鎮害氣從
之○丁丑相模權介從五位上山田宿禰古嗣卒
古嗣右京人也越後介外從五位下勲六等益人
之長子也為人廉謹而寡言辭幼歲喪母敬莫從
母天性篤孝嘗讀昏傳至於樹欲靜而風不止子

欲_レ糧_下而親_下不在_下流涕不禁卷帙為_之泊瀾弘仁十
二年遭_レ父憂哀毀過_レ禮天長三年為_レ陸奥按察使
記_レ夏五年為_レ少內記六年遷為_レ少外記元年轉為_レ
大外記公卿大臣以_レ備顧問推薦文士多見_レ納用
故人仰_レ之十三年出為_レ河波介政績有_レ邑河波美
馬兩郡常羅旱災古嗣殊_レ廻方畧築波蓄永賴其
灌溉人用_レ溫給後為_レ相模介病卒於官時年五十
六

日本文德天皇實錄卷第五

天保九戌戌年二月二十一日
書寫之 中村萬喜直衛

日本文德天皇實錄卷第六 起齊衡元年正月 尽十二月

右大臣正二位臣藤原朝臣基經等奉勅撰
齊衡元年春正月丙戌朔停朝賀以雨後泥深也

帝御南殿賜宴侍臣如常儀今日朔日立春也

○丁亥大宰府貢赤腹莫承前元日貢之延至今
日緩之故書諸衛府獻卯杖內侍傳旨○壬辰於
本院賜宴群臣一如常儀授無品國康親王四
品正五位下高枝王從三位從五位上弘宗王正
五位下從五位下春枝王從五位上死位內宗王
正六位上美奈止王等並從五位下從四位上藤

原朝臣衛長岑宿祢高名等並正四位下從四位
下清原真人有雄從四位上正五位上藤原朝臣
良仁從四位下從五位上坂上大宿祢正野橘朝
臣海雄等並正五位下從五位下藤原朝臣長生
紀朝臣松永伴宿祢龍男物部首廣泉藤原朝臣
冬緒大枝朝臣音人良岑朝臣清風等並從五位
上外從五位下名草朝臣豐成菅野朝臣縱川山
田宿祢文雄朝臣宿祢良道正六位上平朝臣有
世源朝臣直藤原朝臣萬枝伴宿祢河男滋野朝
臣善根橘朝臣三冬藤原朝臣宜笠朝臣豐興石

川朝臣宗繼淡海真人貞主藤原朝臣廣基橘朝
臣淨氏菅野朝臣河道大神朝臣千成等並從五
位下正六位上菅野朝臣第門御船宿祢彦主山
口宿祢稻床水取連繼雄等並外從五位下○癸
巳從四位上廣井女王正四位下當麻真人浦定
等並授從三位正五位下藤原朝臣多可幾子從
四位下死位藤原朝臣能子藤原朝臣在子葉栗
臣乙真等並從五位下從七位上御便朝臣福子
死位山村近子等並外從五位下○辛丑四品國
康親王爲上野太守參議從四位下藤原朝臣貞

守爲下野守右大弁如故參議正四位下伴宿祢
善男爲讚岐守中宮大夫式部大輔如故從五位
下藤原朝臣岑主爲右少弁外從五位下有宗宿
祢益門爲主計助_ト平博士如故榎井朝臣嶋長爲
主稅頭從五位上藤原朝臣氏雄爲大藏大輔益
善王爲攝津守從五位下藤原朝臣真冬爲伊勢
介從五位上豐階真人安人爲尾張權守從五位
下高橋朝臣淨野爲駿河守文室朝臣有真爲相
模權守從五位上文室朝臣笠科爲武藏守從五
位下伴宿祢三宗爲權介鎮守將軍如故從五位

下笠朝臣豐興爲上總介三統宿祢真淨爲美濃
介中宮大夫如故紀朝臣道茂爲信濃介左衛門
佐如故從五位上伴宿祢竜男爲越後守從五位
下清内宿祢園繼爲但馬介大春日朝臣高庭爲
出雲守安倍朝臣有道爲石見守小野朝臣恒柯
爲播磨守藤原朝臣良繩爲播磨介侍從内藏助
如故從四位上源朝臣主爲美作守左京大夫如
故從五位下藤原朝臣秋緒爲備中介從四位下
清原真人瀧雄爲安藝守從五位下伴宿祢河男
爲周防守紀朝臣真高爲紀伊守藤原朝臣眞爲

阿波介紀朝臣有常爲讚岐介左兵衛佐如故藤
原朝臣萬枝爲伊豫權介從五位下山口宿祢稻
床爲豐後介從五位下藤原朝臣良世爲右兵衛
佐○壬寅停大射但令諸衛府等於殿前射○癸
卯亦停賭射○丙午宴命樂賦詩皆如常儀○癸
丑帝親於中宮賜宴侍臣祿各有差二月戊辰
詔大和國修灌頂經法攘災疫也○庚午詔尾張
國課口三分之一持從優河流漲溢民多病水故
降此恩○辛未請僧五十一人於內裏讀大般若
經限三日訖從五位下百濟王教凝爲侍從安倍

朝臣有道爲大主鈴從五位上橘朝臣枝主爲圖
書頭從五位下和氣朝臣齋之爲治部少輔從五
位下嶋江王爲諸陵頭從五位下橘朝臣常蔭爲
大判事伴宿祢春世爲大藏少輔從五位上良岑
朝臣長松爲宮內大輔從五位下安倍朝臣安正
爲彈正少弼外從五位下津宿祢良友爲左京亮
從五位下橘朝臣高成爲左京亮齋部宿祢木上
爲勘解由次官橘朝臣春成爲齋院長官伴宿祢
河男爲鑄錢長官周防守如故藤原朝臣長基爲
石見守伴宿祢宗爲備後介大判事如故乙亥遣

使者賑給丹後國飢民○三月辛卯越中國高瀨
二上兩神並加從三位○壬辰授伊豫國櫛玉姬
神從五位下○癸巳賜下野國節婦秦部總成女
爵二級復終其身旌表其門閭總成女者秦部正
月滿之妻也性至謹篤正月滿亡後撫養遺孤不
復再醮持節旌固常修功德追資其夫兼願及一
切衆生國內稱之○戊戌加相模國寒河神從四
位下從五位下菅野朝臣繼門爲大外記從五位
下丹墀真人氏永爲諸陵頭飯高朝臣永雄爲刑
部少輔外從五位下神直虎主爲參河掾侍醫如

故從五位下朝原宿禰良道爲播磨權介正五位
下在原朝臣行平爲備中介右近衛少將如故○
甲辰死品宗子內親王薨親王嵯峨太上天皇弟
八女也母從四位上高階真人淨階之女從五位
上河子也親王性操貞潔資給寒素至于終身遂
無瑕釁○丁未石見國卷請以公辭稻三可五千
餘束賑給飢民許之春寒殞霜何以書之記災也
○夏四月乙卯朔勅公卿於右兵衛陣下賜飲侍
從有恩非侍從者亦預席日暮賜祿有差○丙辰
授河內國大雷火明神從五位下散位從四位下

橋朝臣百枝卒從四位上綿棠之子也延曆十八年爲內舍人大同二年爲常陸負外掾弘仁十三年叙從五位下天長七年正月叙從五位上爲伊勢介兼和十三年正月叙正五位下十五年四月叙從四位下百枝不解文春好在鷹犬年至八十八歲獵無息剃頭爲僧不葷完家在大和國山邊郡池堤類破洪流湧溢倉舍家口悉皆漂失百枝獨繫樹杪纔得存命散位百濟王教福卒教福從四位下安義之子也嘉祥三年正月叙從五位下卒時年卅八○丁巳進傳燈大法師位智戒興智真

秀傳燈法師位明昭玄永傳燈滿位僧基藏基秀向七道諸國名神社轉讀般若祈民福也○癸亥園神禱神並加從三位○丁卯帝自梨下院移御冷然院五位已上扈從者賜宴於釣臺○癸酉以有穢亥停賀茂祭但山城國司齊供如常○庚辰詔曰夫人之至親莫親於母子故子登尊位則貴飯於母古先哲王未有違之者朕以不造夙罹閔凶憂深思遠江若無涯崇此之時有嵯峨太皇太后淳和太后並存朕以尊母之典雖光故實而申獻之制存亡異禮故以所生藤氏爲皇太后却奠

謙損之美以招後福然今太皇太后山陵之夏
既歷多年而淳和太后未進徽号所生藤氏猶稱
夫人人子之礼何意能安凱風自南之時寂咸長
艱之恩敢咨舊章奉崇尊号夫尊皇太后爲太皇
太后皇太夫人爲皇太后載育可邦厚德無疆俾
我四瀛永有所賴是日肥前豐後兩國百姓穹困
者九千余人彼一年○辛巳有鳥集殿前松樹俗
名古々鳥其鳴自呼勅左近衛將曹神門氏成射
之志弦而墜帝甚稱善賜絹數疋○壬午陸奧國
奏曰去年不登百姓困穹兵士逃亡已之屯戎今

虎狼之類爭事強盜逆亂之萌近在目前請發援
兵二千人以備不虞勅許發一千人○五月戊子
停騎射走馬之觀○戊戌勅陸奧國以穀一萬石
賑給俘夷○庚子地震○甲辰從五位下笠朝臣
豐興爲河內守橋朝臣高宗爲上總介橋朝臣仲
宗爲肥後介○乙巳從五位下藤原朝臣負敏諸
葛三統宿祢真淨等爲次侍從○巳酉賜加賀國
節婦和迺部廣刀自女爵二級廣刀自女年十四
適山城國人秦真勝真勝亡後廬於冢側于今卅
餘年追慕其夫害及哀泣是月甚寒山北微雪記

灾也○六月甲寅朔以大和國金岑神預於相掌
月次並神今食祭也○甲子 帝不御神嘉殿所
司奉祭如常儀○丙寅左大臣正二位源朝臣常薨
大臣是嵯峨太上天皇子源氏第三即母飯高氏
太上天皇見其操行深沉風神清爽寵愛殊於他
子矣天長五年正月叙從四位下七年六月叙從
四位上爲兵部卿八年正月叙從三位九年十一
月爲中納言十年三月加正三位兼和四年六月
兼爲左近衛大將五年正月爲大納言七年八月
爲右大臣兼爲皇太子傳十一月叙從二位十一

年七月轉左大臣嘉祥三年四月叙正二位薨時
年卅三大臣容儀閑雅言論和順才能之士推引
而進說侮之徒惡而不親時人以爲誠是兼相之
器也○丁卯賜正一位朝廷依旧遣監喪賜位使
等依有遺令喪家確辭不受○丙子大法師惠達
爲律師○丁丑請僧卅二口於冷然院讀大般若
經限三日訖○己卯加伊豆國三嶋神從四位下
阿波咩命神物忌奈命神物忌奈命神伊古奈比
咩神並正五位下阿米都和氣命神伊大豆和氣
命神阿豆和氣命神波布比咩命神等並授從五

位上○壬午加肥後國健磐龍命神封卅戶○癸未地震秋七月甲申朔日有蝕之○甲辰從五位上藤原朝臣本雄爲伊勢權介刑部大輔如故○乙巳備前國貢一伊蒲塞斷穀不食有勅安置神泉苑男女雲會觀者架肩市里爲之空數日之間遍於天下呼爲聖人各各私願伊蒲塞仍有許諾婦人之類莫不眩惑奔咽得月餘日或云伊蒲塞夜人定後以水飲送數升米天曉如廁有人窺之米糞如積由是色價忘時減折兒婦人猶謂之米糞聖人○丙午石見國言醴泉出三日乃涸○巳

丙詔遠江國以剩田七町施尼妙長○庚戌遣使者向伊勢太神宮豫請止風雨是日暴風發屋拔木湏臾甚雨洪水汎溢嘗時有識甚有疑怪○八月癸丑朔地震加置陸奥國少掾一員○丙刀皇太子始謁觀○戊辰陸奥國馳驛上奏鎮守將軍從五位下伴宿祢三宗卒三宗者正六位上真意之子也真意是正五位下氏上之子也三宗元名健宗嘗伴健岑配流之時惡避其相涉改爲三宗嘉祥四年正月叙從五位下爲鎮守將軍兼爲下野權介仁壽四年遷爲武藏權介三宗撫邊有方

瞻略著聞病卒民夷傷之時年五十九○巳巳授
右近衛將監正六位上文室朝臣道世從五位下
拜陸奧鎮守將軍○庚辰右大臣從二位藤原朝
臣良房兼爲左近衛大將大納言從二位源朝臣
信兼爲右近衛大將權中納言從三位藤原朝臣
良相爲大納言陸奧出羽按察使如故參議正三
位藤原朝臣長良爲權中納言左衛門督如故參
議從三位平朝臣高棟爲春宮大夫源朝臣融爲
伊勢守右衛門督如故從四位上源朝臣多爲參
議倫中守如故從三位高枝王爲大藏卿越前權

守如故從五位下藤原朝臣良繩爲春宮亮侍從
內藏助播磨介如故從四位上源朝臣冷爲右馬
頭從五位下播磨朝臣三夏爲散位頭○丁丑散位
從五位下名草宿禰豐成卒豐成少學老莊長讀
五經義理頗通學徒多屬天長七年爲大宰博士
兼和四年爲直講八年轉爲助教十二月叙外從
五位下十一年正月以其老耄遙授駿河介以充
教授之資卒時年八十三○九月丁亥死品明子
內親王薨親王淳和太上天皇第七女母右大臣
正二位清原真人夏野之女春子也陰陽權允兼

陰陽博士正六位上刀岐直川人上總少目從六位上刀岐直雄貞等賜姓滋岳朝臣○辛卯重陽節也 帝御南殿賜宴侍臣命樂賦詩如常○壬辰遣使者向伊勢太神宮奉幣○壬寅地震○乙巳從三位藤原朝臣良相爲右近衛大將大納言如故從四位下藤原朝臣良仁爲大舍人頭中宮亮木工頭如故從四位下春澄朝臣善繩爲刑部大輔但馬守如故從五位下藤原朝臣廣基爲春宮大進從四位上源朝臣勣爲右近衛中將河波守如故○辛亥陸奧國百姓復一年○冬十月壬

子朔賜欽侍臣如常 庚申正五位下備前守藤原朝臣大津卒大津者贈左大臣從一位內磨呂弟九之子也大津身長短小而意氣難奪尤善步射頗超等輩年十八爲大舍人大允後出爲常陸大掾還爲右近衛將監天長三年叙從五位下爲備後守頗有邑譽民庶哥思九年爲大監物十年遷爲散位頭承和元年爲左馬助三年爲信濃守九年爲與陸守留爲左衛門佐十一年爲伊豫守歲餘豐稔百姓交贈仁壽元年爲備前守十一月叙正五位下卒時年六十三○壬戌授正六位上

藤原朝臣基經從五位下○丙寅藥正從五位上
物部首廣泉賜姓朝臣○戊辰以山城國神足神
列於官社○辛未召刑部大輔春澄朝臣善繩文
章博士菅原是善民部少輔大枝朝臣音人等藏
人所評重陽節文人所上詩○癸酉侍臣外從五
位下神直虎主散位正七位下神直木並大初位
下神直已舟等賜姓大神朝臣○甲戌公卿奏讞
伊豆前守外從五位下百濟宿祿康保敵殺部下
百姓數人康保罪當死詔減死一等處之遠流○
十一月癸未從五位下藤原朝臣基經爲侍從紀

朝臣有常爲右近衛少將讚岐介如故從五位上
小野朝臣千株爲備前守從五位下藤原朝臣三
藤爲紀伊介陰陽頭如故○甲申地震○癸巳左
近衛府獻生艸美詔放御池中○癸卯地震帝不
御神嘉殿所司奉祭如常儀○甲辰帝御南殿賜
事群臣一如常儀○戊申從四位上清原真人有
雄爲肥後守從五位上高階真人岑緒爲伊豫守
從五位下藤原朝臣良繩爲播磨介左兵衛佐春
宮亮如故○辛亥晦詔曰上誓帝載下的皇流莫
不鍾矣既以開元割神符以改号者近來石見國

上醴泉味寫濁醪狀疑芳醴雖朕之不德讓而弗
怡然天意若日使非人賴之亦是宗社降昊俊人
在官之攸致豈其為身而有顯辭也有司宜擇吉
日告宗社又改仁壽四年為齊衡元年其瑞出地
主義濃郡大領檜前淡海麻呂叙正六位上賜物
准例復郡內常年倭伊勢太神宮祔宜大物忌內
人諸社祔宜祝及內外文武官把笏者賜爵一級
但正六位上者迴授一子如無子者宜量賜物五
位已上子孫年廿已上者叙崇蔭之階天下老人
百歲已上穀三斛九十已上二斛八十已上一斛

欲使曠代相符及万邦以共慶隨時德政逐五帝
而齊衡○十二月甲寅遣使者向嵯峨以上陵告
改元之由策文曰天皇帝恐義恐義掛畏支山陵
申賜倍美久維仁壽四年九月廿七日尔石見國
醴泉瑞献礼圖書尔松勘尔合利如此支布世留
嘉波是薄德乃可感致支物尔非須掛畏支山陵
乃慈賜比示賜留物止奈利為天奈貴喜比受賜天
御世乃名乎改齊衡元年止為留此狀乎申賜尔
中納言正三位兼行左兵衛督源朝臣定從四位
下安藝守清原真人瀧雄等乎差使天奉出須但

理須波先川申賜天後尔施行倍物利然乎有殊
障天一二日之間延息留事乎奈恐畏利御坐此
恐毛申賜此申是日木工頭正五位下石川朝臣
長津頓死於寮中月次並神今食等神事令所司
奉祭長津者中納言正三位兼宮内卿豐成之孫
正四位上武藏守河主之子也弘仁十年三月為
内舍人十二年二月為右京大進十三年六月為
修理大進閏九月為民部大丞十四年正月遷為
皇太后宮少進四月叙從五位下五月為大和介
天長八年七月為木工助九年正月叙從五位上

兼和十年三月為加賀介嘉祥二年十月叙正五
位下仁壽二年二月為木工頭卒時年七十長津
性能工巧恪勤為宗故頻歷工官遂終於此先父
所貯積文卷數十卷秘藏一舍不曾他借不知死
後天滅何處○甲子詔諸國奉諸神幣告以賀瑞
之由○庚午美作守正五位下藤原朝臣行道卒
行道者參議從三位楓麻呂之孫從五位上城主
之長子也弘仁八年正月叙從五位下為民部少
輔遷為美作介十三年正月為近江介天長七年
為兵部少輔兼和三年叙從五位上四年為丹後

守十二年二月為刑部大輔嘉祥三年正月叙正
五位下仁壽三年七月為義作守卒時年六十六
行道累歷內外官職政迹善惡無聞無謂得其中
庸者也○己巳礼佛懺悔○戊寅越中國高瀨神
二上神等祢宜祝並預把筭○庚辰左衛門少尉
從六位上菴部朝臣春枝散位正六位上林朝臣
並人等改姓紀朝臣○辛巳武藏國貢長人一枚
以備駟儻

天保九戌戌年二月晦日

中村直道

日本文德天皇實錄卷第六

日本文德天皇實錄卷第七

起齊衡二年正月盡
十二月

右大臣正二位臣藤原朝臣基經等奉勅撰
二年春正月壬午朔 帝不御大極殿以雪後泥
深仍停朝賀勅公卿賜宴侍臣如常○戊子 帝
御南殿覽青馬宴群臣如常儀加三品賀陽親王
二品從三位藤原朝臣良相橋朝臣岑繼等正三
位正四位下伴宿祢善男從三位從四位下藤原
朝臣貞守從四位上從四位上正躬王正四位下
无位輔世王從四位下從四位下楠野王從四位
上從五位下豐井王從五位上无位連快王正六

位上清名王等從五位下從四位下清原真人岑
成從四位上正五位下菅原朝臣是善在原朝臣
行平藤原朝臣仲統等從四位下從五位上高階
真人岑緒源朝臣興等正五位下從五位下藤原
朝臣宗善藤原朝臣菅雄春日臣雄繼小野朝臣
貞樹橘朝臣數雄紀朝臣有常藤原朝臣良繩等
從五位上外從五位下善世宿祢豐永上毛野朝
臣綱主正六位上源朝臣謹藤原朝臣忠宗藤原
朝臣常行安倍朝臣良行藤原朝臣興邦坂上大
宿祢當道藤原朝臣數守橘朝臣時茂藤原朝臣

弘道藤原朝臣良尚橘朝臣良枝紀朝臣弘岑北
野朝臣春枝小野朝臣國梁縣犬養大宿祢貞守
等從五位下滋岳朝臣川人村主宮雄御舩宿祢
佐世家原連氏雄卜部雄貞等外從五位下○巳
丑加從四位下源朝臣全姬正四位下授无位藤
原朝臣連子大中臣安子等從五位上正六位上
紀朝臣全子无位當麻真人繼子等從五位下○
壬辰授无位良岑朝臣親子從五位下○丙申中
納言正三位安倍朝臣安仁為陸奥出羽按察使
民部卿如故參議從四位上源朝臣多為越前權

守從五位下橘朝臣三夏為山城守藤原朝臣良
尚為大和介右近衛少將如故縣犬養大宿祢貞
守為和泉守從五位上藤原朝臣宗善為尾張守
外從五位下菅野朝臣第門為介從五位下菅原
朝臣河道為參河介紀朝臣弘峯為遠江守伴宿
祢安道為權介清原真人清海為駿河權守從五
位上春枝王為下總守從五位下源朝臣舒為美
濃權介橘朝臣安吉雄為上野介文室朝臣道世
為下野權介鎮守將軍如故從四位下藤原朝臣
衛為加賀守勘解由長官如故從五位下藤原朝

臣諸葛為權介從五位上豐井王為能登守外從
五位下壹志宿祢吉野為越後權介從四位下茂
世王為丹波守從五位上坂上大宿祢貞守為權
介左近衛少將如故從四位下在原朝臣行平為
曰幡守從五位下讚岐朝臣高作為伯耆守外從
五位下安原宿祢岳為出雲介從四位下藤原朝
臣仲統為備前守外從五位下蕃良朝臣豐持為
介從五位上紀朝臣益雄為備中守清原真人秋
雄為權介右近衛少將如故從五位下長峯宿祢
秀名為備後守從四位上藤原朝臣輔嗣為阿波

守源朝臣勤爲伊豫守右近衛中將如故從五位
下藤原朝臣良世爲介右近衛佐如故正四位下
正躬王爲大宰大貳從五位下藤原朝臣興邦爲
筑前介仲嗣王爲肥前守正五位下高階真人峯
緒爲肥後守從五位下大原真人真室爲介藤原
朝臣友永爲豐前守石川朝臣宗繼爲豐後守藤
原朝臣頴基爲日向守從五位上紀朝臣有常爲
左近衛少將讚岐介如故清原真人秋雄從五位
下藤原朝臣良尚等爲右近衛少將安倍朝臣貞
行爲左衛門權佐藤原朝臣常行爲右衛門佐坂

天カ

上大宿祢當道爲權佐藤原朝臣基經爲左兵衛
佐陸奧國奏曰與地俘囚等彼此接又殺傷同種
事須警備以防非常仍且免發援兵二十人許之
○戊戌 帝停觀大射勅公卿就豐樂殿下命諸
衛府次射○壬寅以伊勢國阿耶賀神預於各神
帝御新成殿內宴命樂賦詩皆如常儀○癸卯
帝御新成殿以觀賭射以前日停也時京師多
盜掠奪人物有詔搜起自宮中及於京中前山城
守從五位下藤原朝臣松影卒松影刑部少輔從
五位下星雄之子也爲人嚴正鬚眉如畫起家補

內舍人累遷天長四年爲式部大丞時東宮僚屬
妙選名流松影風聲著聞遷爲春宮少進還復式
部大丞時當朝會嵯峨皇子源朝臣常緣勅帶劔
式部誥以未知詔旨不聽皇子愧赧而歸以故
天皇赫怒貶黜式部官人左轉松影爲彈正忠九
年兼和元年爲躬唐使判官兼山城權介松影以
母老固辭再三請許之三年復爲式部大丞出爲
丹波介後復爲式部大丞十一年春授從五位下
歷左少弁中務治部兩省少輔出雲山城兩國守
病卒時年五十七松影四入式部閑練故事其進

退容儀得於天性今到吏部者皆推松影爲楷模
焉○丙午伊勢國阿耶賀神丹波國大虫神並加
從四位下○戊申陸奧國飛驒奏請加發援兵二
千人勅曰夫邊要之寄安危所繫慎微慮萌理固
宜然但時臨農要人競耕稼而多勦士衆遠行屯
戍恐壞患役之嗟終乏如歸之志凡用兵之道未
必費多苟奮其力一以當千宜便簡拔近城兵一
千人和誘其心精練其武能守衝要以備機急又
知騷擾之由發於飢困故賜賑給折粗一萬斛事
須不論民俘務加優恤開以恩惠慰其窮窟○已

酉加陸奧國石碕神從四位下大判事兼明法博士
備後介從五位下伴宿祢宗本姓伴良田連
後改爲伴宿祢宗出自外國少入大學專心法門
習讀律令始爲大宰明法博士兼和八年還爲右
少史十一年正月轉爲右大史十二年六月轉爲
左大史十四年正月叙外從五位下嘉祥元年二
月爲勘解由次官五月遷爲大判事二年二月兼
爲明法博士三年正月叙從五位下仁壽四年二
月兼爲備後介卒時年六十四○二月癸丑以陸
奧國永倉神列於官社有長星出於東地○癸亥

備中國言吉備津彥名明神庫內鈴鏡一夜三鳴
○乙丑從四位下輔世王爲侍從五位下文室真人
真文爲大舍人頭外從五位下讚岐朝臣永直
爲明法博士從五位下大宅朝臣年雄爲散位頭
從五位上藤原朝臣常永爲治部大輔外從五位
下御輔朝臣永道爲大判事明法博士如故從五
位上嶋江王爲大膳大夫從五位下藤原朝臣直
道爲木工頭正峯王爲正親正從四位上正行王
爲彈正大弼正五位下豐前王爲左京權大夫大
和守如故從四位下藤原朝臣良仁爲大夫中宮

亮如故正四位下長峯宿禰高名右京權大夫兼
爲山城權守外從五位下大神朝臣虎主爲備後
介侍醫如故 丁卯詔右大臣正二位兼左近衛
大將藤原朝臣良房參議從三位兼行中宮大夫
讚岐守伴宿禰善男從四位下行刑部大輔春澄
朝臣善繩正六位上行少外記安野宿禰豐道等
修國史○戊辰請一百僧於大極殿轉讀大般若
經○辛未讀般若訖僧年七十已上及法師位已
上者賜度者各一人其年六十已上帶法師者兼
加一階滿位者唯授一階○三月壬辰散位從四

位上道野王率道野王者大宰帥二品賀陽親王
第一子也淫於酒色頗解絲竹然性甚謹厚未曾
傲慢天長九年叙從四位下承和三年拜武藏守
仁壽二年叙從四位上病卒○丙申大風雨○乙
巳制大和國檢非違使正六位上伊勢朝臣諸繼
預祀笏諸國檢非違使把笏始於此人○丙午從
五位下藤原朝臣興邦爲筑前權守○夏四月己
酉朔賜飲侍臣如常儀○庚戌地震○乙卯遣使
者向備中國奉幣吉備津彥名神○戊午禁私養
鷹鷄是月寒殞霜記災也○閏月乙酉從五位下

和朝臣豐永爲上総介清瀧朝臣藤根爲下総守
散位從四位下清峯朝臣門総卒門総左京人也
達練世俗無他才學嵯峨天皇殊錄恩舊擢爲左
衛門少尉弘仁十二年正月叙外從五位下四月
除上野介十三年遷爲右馬助天長十年叙從五
位下兼和三年四月出長門守四年二月爲典藥
頭八年正月拜備後守九月爲縫殿頭十二年正
月叙從四位下隱居難波病卒時年七十四○壬
辰有狐晝見命近伏駈走過御前○帝射而獲之
○癸巳大雨水○丁酉分美濃國多藝武義兩郡

爲多藝石津武義郡上凡四郡遣使者賑給相模
國飢民○辛丑遣使者向丹生川上雨師神社奉
幣馬請止滂雨○丙午大宰府馳驛言日向守從
五位下詞峯王殺兵將殺推討使正五位下田口
朝臣房富有司奏讞詔免官爵是月左右馬寮御
馬疫死殆盡○五月辛亥詔能登國氣多大神宮
寺置常住僧聽度三人永々不絶○壬子停騎射
走馬之觀不御武德殿蓋據御馬多斃也詔越前
國氣比大神御子神宮寺置常住僧聽度五人心
願住者亦五人凡一十僧永々不絶○癸丑大宰

大貳正躬王將赴任詣關拜辭殊賜恩錢絲竹問
奏○丁巳地震○戊午地亦震○癸亥加賀國分
寺置布薩戒本田二町○丁卯加筑後國高良玉
畷名神位田四町○庚午東大寺奏言毗盧舍那
大佛頭自落在地○六月戊寅朔日有蝕之詔以
安祥寺預於定額施稻一千束以充燈油○癸未
震建禮門前柳樹○甲申遣參議左大弁兼左近
衛中將從四位上藤原朝臣氏宗東大寺見大佛
頭墮落之狀○戊子帝不御神嘉殿所司奉祭如
常儀○戊戌地震從五位下伊統宿祢福代爲園

池正藤原朝臣弘道爲出羽守○癸卯從四位下
雄風王卒雄風贈一品萬多親王第四子也爲人
汎敏弱冠入學帝在東宮時引爲侍者頗習鷹馬
踐祚之日授從四位下除左馬頭補次侍從給事
殿中進退閑雅性素寬裕卒官時年卅二帝甚愍
悼之○壬寅地震○秋七月丁未朔紀伊守從五
位下紀朝臣真高獻甘露○戊申遣參議宮内卿
從四位上源朝臣多安藝守從四位上清原真人
龍雄等向佐保山陵策云天皇恐年恐年掛畏
佐保陵爾奉賜部奏御願天止之奉造理給留東大

寺乃盧舍那佛時代久經礼尔太自然尔毀損天去
五月廿三日乎以天頽落給利倍今御願能破奴倍尔
依天奉造固頽天止今毛畏山陵能御本願尔顧給天
相助護給尔依天佛毛平尔奉造固利天下毛
平天可在止之天參議宮内卿從四位上源朝臣
多安藝守從四位上清原真人瀧雄等乎差使尔
怨年怨年奉賜止久癸年丙寅大宰府傳進入唐留
季僧圓載上表毛○壬申地震以紀伊國天手刀界
神預於官社○戊寅從三位百濟王勝義堯勝義
從四位下元忠之孫從五位下玄風之子也少游

大季頗習文章大同元年二月為大季少允四年
二月為右京少進弘仁七年二月叙從五位下十
年二月為左衛門佐十一年正月兼為相模介十
二年十月叙從五位上十三年三月遷為但馬守
天長四年正月兼為美作守叙正五位下六年二
月叙從四位下為右京大夫十年十一月遷為左
衛門督承和四年正月兼相模守六月為宮内卿
六年二月叙從三位年老致仕閑居河内國讚良
郡山畔頗使鷹犬以養病之資卒時年七十六○
八月丁丑地震○戊寅地亦震○甲申下総守從

五位下清瀧朝臣藤根上総介和朝臣豐永等並授從五位上○丙戌兵庫中鼓自鳴○己丑散位從四位下當世王卒當世二品大宰帥仲野王第四子也天性羸弱惡當風雨頗好鷹犬不敢出遊○辛卯散位從五位下村主宮雄右太史正六位上河原連貞雄等改姓廣階宿祢主計頭兼竿博士外從五位下家原連氏主主稅助外從五位下氏雄左太史正六位上繩雄右近衛醫師正七位上善宗等賜姓宿祢○癸巳式部卿仲野親王家令正七位下宇自可臣武雄改姓笠朝臣○丁酉

中務卿時康親王家令從六位下忍海上連淨永改姓朝野宿祢○己亥從五位下源朝臣直為侍從從五位上藤原朝臣冬緒為肥後守○辛丑地震長門國言牛產犢一身兩頭○九月壬子遣小納言從五位下利見王向八幡大菩薩策曰天皇我詔旨止掛畏岐八幡大菩薩乃廣前尔恐尔恐毛申給止倍申久東大寺乃盧舍那佛波佐保天皇御世尔大菩薩乎知識尔奉唱天奉造給倍而乎時代久經尔自然尔毀損天去五月廿三日乎以天額落給尔太今本志乃破契尔依天奉造固止

須今毛今毛亦大菩薩乃相助介護賜尔依天佛
毛平尔奉固利天下毛平安介在倍故是以少納
言從五位下利見王乎差使天宇豆乃太幣帛乎
命捧持天奉出止恐年恐年毛申賜止申別辭天申
久大宰府申久前利勞利繕波賜不宮波去閏四
月尔作利畢此申須此乎開食悅賜比天悅太幣
帛乎命副捧天奉出賜不掛畏支大菩薩如故尔
安穩尔靜利坐天天皇乎常磐尔堅磐尔夜守利
日守利護給比終賜倍恐年毛申賜止申○癸丑以
園神韓神列於名神是夕東宮有狼害人明且有

入射殺○乙卯重陽節也 帝御南殿賜宴侍臣
命樂賦詩如常也是夜地震○丙辰地亦震○丁
巳大雨○癸亥無品安勅内親王薨桓武天皇第
十三女毋從四位上藤原朝臣大繼之女從四位
下河子也○甲子散位從五位上嶋田朝臣清田
卒清田者正六位上村作之子也少入學略涉經
史奉文章生試遂及科第後為大學少屬遷為大
宰少典遷為内藏少屬弘仁十四年改臣姓為朝
臣天長元年為少外記三年兼為勘解由判官四
年轉為大外記兼為下野權掾天長六年正月叙

從五位下兼和二年爲宮内少輔四年遷爲治部
少輔六年九月出爲伊賀守仁壽元年十一月叙
從五位上卒時年七十七○乙丑地震○丙寅地
亦震○巳巳僧正長訓太師卒長訓俗姓錦氏近
江國滋賀郡人也師事少僧都玄憐延曆年中受
具足戒後於大極殿說最勝王經應問而答能發
疑薈稍轉仁壽三年爲僧正卒時年八十二長訓
自少至長固持毗尼推已及物博愛爲先白黑至
今稱其慈悲○癸酉授正六位上紀朝臣夏井從
五位下藤原朝臣峯主爲左少弁紀朝臣夏井爲

右少辨橋朝臣高宗爲土佐守○甲戌以伊豆國
大興寺預於定額爲海印寺別院大興寺者孝子
大部富賀滿爲國家所建也修理東大寺大佛司
檢校傳燈修行賢大法師位真如大納言正三位
兼行右近衛大將藤原朝臣良相等奏言謹案去
天平勝寶四年勅書併朕發菩薩大願奉造廬舍
那佛廣及法界知識夫有天下之富者朕也有天
下之勢者朕也以此富勢造彼尊像事也易成心
也難至恐從有勞人預無能感諸知識者發至誠
心各人招福宜每日三拜廬舍那佛自當存念各

造盧舍那佛像如更有人願持一枝花一合土造像者勿禁旬障同進百姓催命加造者即知先皇本願以一切人衆爲善知識欲共其福利不專於一已而今佛大佛已爲大破修理所須殆及新造案佛所說莊嚴佛事修理舊物所得功德勝於新造而獨用官物以充給恐乖弘濟之本願望請命天下人不論一文錢一合米隨力多少以得加進又一切神祇不望功德勝利者蓋寡矣故先皇始自八幡大神以爲善知識賴其冥助果彼大願若諸神祇望預件功德者命所司隨其所願辦送料

物然則先皇大願始終不違人神福利古今如一勅許之於是命郡國以米及輕賚等遣使運送○乙亥晦地震○冬十月丙子朔賜飲侍臣如常○戊寅地震○丙戌夫人從三位藤原朝臣緒夏薨夫人贈左大臣從一位內麻呂之女也弘仁元年十一月叙從五位上三年正月叙從四位下立爲夫人六年七月叙從三位薨後贈正二位○癸巳山崎津頭失火延燒三百餘家○甲午復出羽國百姓困窮者可九千餘口○十一月癸丑筑前國奏言上座郡太領外從七位上前田臣市成理郡

年久善政日聞百姓同聲謂之不煩請假外從五位下積効爲真從之○庚申地震○乙丑從五位下藤原朝臣近主爲常陸介○丁卯帝不御神嘉殿所司奉祭如常儀○戊辰帝御南殿賜宴群臣一如常○十二月丙子朔大炊寮大八嶋竈神齋火武主比命庭火皇神並授從五位下○丁亥地震○癸巳禮佛懺悔○辛丑中務少輔從五位下興峯王賜姓清原真人

三月廿八日書寫之

中村直道

日本文德天皇實錄卷第七

